

УДК:340.6:343.9:612

ХОДИСА ЖОЙЛАРИДАН БИОЛОГИК КЕЛИБ ЧИҚИШГА ЭГА БҮЛГАН ИЗЛАРНИ ОЛИШДА АШЁВИЙ ДАЛИЛЛАРНИ АНИҚЛАШ, ҚАЙД ҚИЛИШ ВА ҚАДОҚЛАШНИНГ ЎЗИГА ХОС ХУСУСИЯТЛАРИ

Яркинбоева М.Р.*Ўзбекистон Республикаси Ички ишлар вазирлиги**Эксперт - криминалистика бои маркази*

Аннотация. Бугунги кунда мамлакатимизда олиб борилаётган ислоҳотларнинг замирида инсоннинг қадрини улуглаш ва унинг ҳуқуқ ҳамда эркинликларини таъминлаш энг асосий бурч эканлиги белгилаб ўтилмоқда. Хусусан ҳуқуқни муҳофаза қилувчи органларнинг жиноятчиликка қарши кураш фаолиятида биологик келиб чиқишига эга бўлган изларни аниқлаш ва тадқиқ қилиш энг долзарб масалалардан биридир. Бу эса қотиллик, тан жароҳати етказиш, номусга тегиши каби фош этилмаган жиноятларни аниқлашга ёрдам беради.

Калит сўзлар. Шахсни аниқлаш, биологик из, ҳодиса жойлари, ашёвий далил, қадоқлаш, сақлаш.

SPECIFIC CHARACTERISTICS OF IDENTIFYING, RECORDING AND PACKAGING MATERIAL EVIDENCE WHEN COLLECTING BIOLOGICAL TRACES FROM CRIME SCENES

Yarkinboeva M.R.*Main Center of Expert - Criminalistics of the
Ministry of Internal Affairs of the Republic of Uzbekistan*

Annotation. Today, the primary objective of the ongoing reforms in our country is to honor human dignity and ensure their rights and freedoms. One of the most pressing issues in the crime-fighting activities of law enforcement agencies is the identification and investigation of traces of biological origin. This plays a crucial role in solving crimes such as murder, infliction of bodily harm, and sexual offenses.

Keywords. Identification, biological traces, crime scenes, material evidence, packaging, preservation.

Таъкидлаш лозимки, шахснинг ҳаёти (қотиллик), соғлиги (турли даражадаги тан жароҳатлар етказиш) ва жинсий эркинлигига (номусга тегиши) қарши қаратилган жиноятларни илмий асосланган фактлар билан тўлиқ исботлаш талаб этилади. Щу ўринда жиноятчилар томонидан ҳодиса жойларида ўз изларини қолдирмаслик мақсадида турли хил усуллардан



фойдаланилмоқда. Фош этилмаган жиноятлар эса жиноятчиларга жазоланмаслик ҳиссини кучайтириб, келгуси жиноий фаолиятини давом эттиришга имкон бериши мумкин. Жамиятда жиноий фаолиятга қўниккан шахслар эса жиноят изларини яширишга уринмоқда.

Агарки, шахс ўзининг барча биометрик маълумотлари қонунийлик асосида давлат рўйхатига олинганлигини хис этса ва ҳар қандай жиноий қилмиши фош этилишини олдиндан англаб етса, аксарият вазиятларда бу уни жиноят қилишдан қайтаради. Бугунги кунда дунёда фуқароларни геном маълумотлари бўйича давлат рўйхатига олиш, шахсни идентификация қилиш энг замонавий усувлардан бири ҳисобланади.

2020 йиил 20 ноябрь куни Ўзбекистон Республикаси Олий Мажлиси Сенатининг тўққизинчи мажлисида “Геном бўйича давлат рўйхатига олиш тўғисида”ги Ўзбекистон Республикаси Қонуни маъқулланиб, 2020 йил 24 ноябрь куни Ўзбекистон Республикаси Президенти томонидан имзоланди (ЎРҚ-649).

Ушбу қонуннинг асосий мақсади геном бўйича давлат рўйхатига олиш соҳасидаги муносабатларни қонуний тартибга солиш, вазифалари эса биологик материалларни олиш, қайд этиш, ундан фойдаланиш, геном ахборотига ишлов бериш, геном ахборотини ягона маълумотлар базасини яратиш ва инсон шахсини идентификация қилишдан иборатdir.

Жиноят содир этилган ҳодиса жойларидаги геномга оид ахборотга эга бўлган хужайраларни, тўқималарни ва ажралмаларни олиш, аниқлаш, қайд қилиш ва қадоқлаш муҳим аҳамият касб этади.

Ҳодиса содир бўлган жойни кўздан кечиришни синчковлик ва изчиллик билан, пировард натижада эса самарали ўтказиш – бу ҳар қандай жиноятни очиш ва тергов қилишда муваффақият гаровидир. Ҳодиса содир бўлган жойни кўздан кечиришда ижобий натижага эришиш учун кўздан кечиришни ўтказаётган эксперт ва мутахассисларда чуқур назарий билим ва турли хил излар билан ишлаш бўйича амалий қўнималар мавжуд бўлиши лозим.

Ҳодиса содир бўлган жойда учрайдиган моддий изларнинг, айниқса, кенг тарқалган турлари билан ишлаш, уларни топиш, қайд этиш ва олиб қўйишнинг хусусиятларига алоҳида эътиборни қаратиш зарур. Содир этилаётган жиноятларнинг очилиши биринчи навбатда кўринадиган ва кўринмас изларнинг ҳодиса жойини кўздан кечириш жараёнида аниқланишига боғлиқ. Биологик излар кўринадиган ёки кўриниши қийин бўлган излар бўлиб, бу изларни топиш учун маҳсус ёритгичлар, шунингдек механик ва кимёвий усувлар қўлланилади (масалан, қоғоздаги қўлларнинг кўринмас излари, ёки ҳодиса жойида қолдириб кетилган предметларда топилган микрозаррача, тола ва биологик хусусиятга эга бўлган одам танасининг ажратмалари).¹

Биологик излар, ашёвий далиллар ва намуналарни танлаш, олиб қўйиш,

қадоқлаш ва сақлаш учун мутахассислар олдига бир қатор муҳим масалалар қўйилади:

- жиноят содир бўлган ҳудудни аниқлаш;
- ҳудудни ўраб олиш;
- изларга шикаст етказиши ёки уларни йўқ қилиб юбориши мумкин бўлган шахсларни бу ерга қўймаслик;
- тунги вақтда ходиса содир бўлган жойни ёритиш чораларини қўриш;
- жиноят содир этилган жойигача хавфсиз йўлак қилиш, ходиса жойини мутахассилар сонидан келиб чиқиб бўлакларга бўлиб олиш. Ҳодиса жойини мураккаб қисмини алоҳида ажратиб олиб, тажрибали мутахассис жалб қилиш;
- биологик излар топилган ҳудуд ёки предметларни белгилаб, улар яқинига рақамли тахтачалар қўйиш;
- йўлнинг қатнов қисмидан топилган излар атрофига транспорт ҳаракатини тақиқловчи ва айланиб ўтиш йўлларини кўрсатувчи тўсиқлар қўйиш;
- ходиса жойида бир неча тур экспертизалири бўйича тадқиқотлар ўтказиш зарурати бўлса ҳаракатлар кетма-кетлигини ўзаро ҳамкорликда амалга ошириш.
- изларни тасодифан шикастланишини ва ифлосланишини истисно қилувчи чораларни қўриш (*кўздан кечиришини амалга ошираётган шахс олдиндан белгиланган йўналишилар бўйлаб ҳаракатланиши, маҳсус лаборатория кийимлари, юзида химоя ниқоб бўлиши, бир марталик қўлқоп, тест найчалари, стерилланган жиҳоз ва ускунаналар билан ишилаши, тегишили тавсияларга риоя этган ҳолда эҳтиёткорлик билан кўздан кечирилиши лозим*);
- атроф - муҳит омиллари (*ҳаво даражаси, шамол, қуёш нури ва ёғингарчилик*) таъсирида ўзгариши ёки бузилиши мумкин бўлган изларни, шунингдек, тез айнийдиган озиқ-овқат маҳсулотларидан топилган излар дархол қайд этилиши керак;
- биологик излари бўлган ашёвий далиллар ташувчиси обьекти билан бирга бутунлай олиб қўйилади ва бу имконсиз бўлган ҳолларда био-изни ўз ичига олган обьектнинг бир қисми олиб қўйилади. Агар обьектни ўзи ёки унинг бир қисми билан олиб ташлашнинг иложи бўлмаса, биоматериални қириб ташлаш ёки ювиш амалга оширилади. Биоматериални сув билан (дистирланган сув) намланган стерил дока билан ювиш лозим. Доғ солинган дока хона ҳароратида (табиий шамоллатиш ёрдамида) ва қуруқ ҳолда қуритилади, тоза қофозга қадоқланади экспертиза муассасасига юборилади.
- биологик изларни олишда қайчи, пичоқ ва бошқа шу каби асбобларни ишлатишдан олдин ва кейин ҳар доим спирт билан яхшилаб тозаланиши, кейинги обьектни олишдан олдин спирт асбобдан бутунлай буғланиб кетиши керак.

Шахснинг ҳаёти (*қотиллик*), соғлиги (*турли даражадаги тан жароҳатлар*

етказии) ва жинсий эркинлигига (*номусга тегиши*) қарши қаратилган жиноятлар билан боғлиқ ҳодиса жойларини чизмаларда белгиланиб, аниқланган ашёвий далиллар ҳамда жараён фото ва видео тасвиirlарга узлуксиз олиб борилади. Ҳодиса жойида аниқланган ашёвий далиллар (*ўтқир тиғли буюмлар, пичоқ, кийимлар, соч, тирноқ, тиши, суяқ, биологик тер – ёғ ажратмалари*) алоҳида қоғоз ёки полимер пакетларга солинган ҳолда холислар иштирокида қадоқлаб олинади. Агар ашёвий далилларда бошқа тур экспертизаларга оид тадқиқот ёки изларни аниқлаш зарурати бўлса (*бармоқ изи*) изларни сақлаб қолган ҳолда қадоқлаш чоралари кўрилади.

Олинган барча ашёвий далиллар ва намуналар ҳодиса жойини кўздан кечириш баённомасида қайд қилинади ва улар экспертиза тадқиқотлари учун жўнатилиши лозим. Ҳодиса жойини тўғри кўздан кечириш, экспертиза тадқиқотларини сифатли бажарилишига замин яратади.

Геномга оид ахборотларни олиш билан боғлиқ ҳодиса жойларидан биологик изларни аниқлаш, олиш, тадқиқ қилиш, баҳолашни ўрганишга имкон берувчи усуулларни кенг жорий этиш ушбу турдаги жиноятларни фош қилишга, тезкортергов харакатларини самарадорлигини оширишга олиб келади.

АДАБИЁТЛАР РЎЙХАТИ:

1. “Ҳодиса содир бўлган жойда биологик изларни аниқлаш ва уларнинг далилий аҳамияти” Абдумутал Каримович Закурлаев, Academic Research in Educational Sciences, May 2022.
2. “Судебно-биологическая экспертиза ДНК человека” Республиканский центр судебной экспертизы им.Х.Сулаймоновой
3. “Ўзбекистон суд экспертизаси” ҳуқуқий, ижтимоий, илмий – амалий журнал. 2023 №2(9).
4. Соболевская С.И “Работа с биологическими следами на месте происшествия” // Концепт научно – методический электронный журнал – 2014.- Спецвыпуск №29.
5. uz.m.wikipedia.org